

仙傳拾遺孟岐清河逸人也年七百餘歲言及周時事如在目前云曾侍周公升壇以手摩周公之足而周公以玉笏一枝與之岐常執之今已銳矣每切桂葉而食漢武帝好神仙遂披草衣而來帝異之

### 驪母尅木槎客支機

廣記李筌往嵩山石室中得黃帝陰符經本未曉其義理因往驪山於路傍見火起燒木有一老姥曰火生於木禍發必克筌聞之大驚曰此黃帝陰符之祕文姥何得而言之姥曰吾受經已三元六周甲子矣筌於是拜請與義姥曰吾受此符名列仙籍而後可語至道之妙夫陰符者上清所祕玄臺

### 道藏輯要

三洞羣仙錄

七

翼集四

川文

所尊理國則太平理身則得道非奇人不可妄傳泄天機者沉乎三劫可不戒哉

博物志客有居河濱者年年八月十五日浮槎來過至不失期客陰異之乃多賚糧乘槎去任其所之忽至一城郭處望見織婦因問不答但取支機小石與之曰可將此蜀中閭嚴君平客還問君平君平曰去年七月七日客星犯牛女卽是汝矣

### 芝耕雲臥松餐澗飲

仙傳拾遺吳筠自號洞陽子年十五篤志於道善屬文工楷隸舉進士三教九流靡不周覽隱居南陽倚帝山芝耕雲臥